



**Ministro di Husticia
mr. Andin Bikker
Bestuurskantoor
Presente**

Aruba, 27 di augustus 2019

Respetable Ministro,

Cu referencia na asuntonan di trahador na Guarda nos Costa, SEPPA pa medio di e carta cu fecha 22 di augustus ultimo a urgi Sr. Ministro pa cumplimento di palabacionnan haci dia 16 di augustus 2019.

Te ainda, trahadornan ta trahando bao di e mesun tension. Mas ainda no ta mira movecionnan tampoco pa loke ta trata e alternativanan riba mesa cu posiblemente por conduci na solucionan y trankilidad na pia di trabao.

Teniendo na cuenta cu esaki y informacionnan cu ta wordo duna for di trahadornan na Guarda nos Costa, SEPPA ta bolbe haci un apelación na Sr. Ministro pa pone accionnan rapido tras di e palabacionnan di dia 16 augustus ultimo.

Principalmente, e tema di quickscan y e nombramiento di un persona encarga directamente cu tur loke tin di haber cu asuntonan di personal, lo por trece claridad serca Sr. Ministro. Nos ta insisti riba esakinan cu e confianza cu e berdad real lo sali di tur loke nos a bin ta vociferando den nomber di e mayoria grandi di personal na Guarda nos Costa.

Tambe nos ta informa cu durante dia di awe di parti di esnan encarga cu e operación na Guarda nos Costa a entrega rooster te cu december 2019, pero según keho di trahadornan, esaki no ta indica e dianan liber riba cual e trahador tin derecho riba dje.

Si e keho aki ta correcto, ta nifica cu ta sigui falta respet na e trahadornan, pa loke ta nan derechonan.

For di akinan, nos ta informa Sr. Ministro cu si pa diabierna 30 di augustus 2019 no tin claridad ni update di kico Sr. Ministro ta bezig cune pa trece solucion, trahadornan lo tuma e pasonan pa demostra nan malcontento.

Sperando riba un reaccion di parti Sr. Ministro, ta termina,

Atentamente,


Karina Geerman
Secr.Finanzas